

Ammassallip Kommuniáni imigassanik aalakoornartortalinnik nioqquteqartarneq sassallertarnerlu pillugit Namminersornerullutik Oqartussat nalunaarutaat

Imigassanik aalakoornartortalinnik nioqquteqartarneq sassallertarnerlu pillugit inatsisartut inatsisaat nr. 11, 11. november 2000-imeersumi § 26, imm. 1, nr. 2 aamma 3 aamma § 27, imm. 3 naapertorlugit aalajangersarneqarpoq:

§ 1. Nalunaarut una Ammassallip kommunianut atuuppoq.

§ 2. Imigassanik aalakoornartortalinnik 2,25 % sinnerlugu aalakoornartulinnik nioqquteqartarneq sassallertarnerlu junip aallaqqaataani tamani inerteqqutaavoq.

§ 3. Nunaqarfinni Tiniteqilaami, Sermiligaami aamma Isortumi siuumoortumik qinnutigeqqartinnagu imigassanik kimiittuunik tuniniaaneq inerteqqutaavoq, taammaattorli § 4 takujuk.

§ 4. Nunaqarfinni Tiniteqilaami, Sermiligaami aamma Isortumi immiaaqqanik 4,10 %-imik taannalu sinnerlugu aalakoornartullit tuniniarneqarsinnaapput.

§ 5. §§ 2 – 3-mik unioqqutitsinerit akiliisitsissutaasinnaapput.

§ 6. Nalunaarut una 1. juni 2007-imi atuutilissaaq.

Imm. 2. Tamatumunnga peqatigitillugu Ammassallip Kommuniáni nunaqarfinni imigassanik aalakoornartulinnik nioqquteqarneq pillugu Namminersornerullutik Oqartussat nalunaarutaat nr. 21, 16. august 2000-imeersaq atorunnaarsinneqarpoq.

Namminersornerullutik Oqartussat, ulloq 31. maj 2007

Siverth K. Heilmann

/

Peter Hansen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut